

水經注卷三十一

漢 桑欽撰

後魏酈道元注

澧水

荊州入汝

涇水

豫州入河

灑水

豫州入潁

灑水

豫州入汝

瀨水

豫州入汝

灑水

入汝

澧水

荊州入河

澧水出南陽魯陽縣西之堯山

澧水音時入音類

堯之末孫劉累以龍食帝孔甲孔甲又求之不得累懼而遷于魯縣立堯祠于西山謂之堯山故張衡南都賦曰奉先帝而追孝立唐祠於堯山堯山

水經注

卷三十一

澧水

一

在太和川太和城東北澧水出焉張衡南都賦曰其川瀆則澧澧灤灤發源巖穴布濩漫汗滢沆洋溢總括急趣箭馳風疾者也澧水又歷太和川東逕小和川又東溫泉小注之水出北山七泉奇發炎熱特甚闕駟曰縣有湯水可以療疾矣湯側又有寒泉焉地勢不殊而炎涼異致雖隆火盛日肅若水谷矣一、鎖、合、情渾流同谿南流注澧水又東逕胡木山東流又會溫泉口水出北山阜炎勢奇毒痲疾之徒無能濕其衝漂救養者白氏六帖作救養咸去湯十許



宋六字神字
音

譚云又介乎
二者之間好
情性

宋平地介
三四字便是
高士贊

譚云此山孤
屹有丈夫氣
何杜女名

步別池。然後可入湯側。有石銘云。皇女湯。可以療
萬疾者也。故杜彥達云。然如沸湯。可以熟米飯。而

一作愈百病。道士清身沐浴。一日三飯。一作多少

自在。四十日後。身中萬病愈。三蟲死。學道遭難逢

危。終無悔心。可以牢神存志。卽南都賦所謂湯谷

湧其後者也。然宛縣有紫山。山東有一水。東西十

五里。南北二百步。漚然。沖滿無所通。會冬夏常溫。

世亦謂之湯谷也。非魯陽及南陽之縣故也。張平

子廣言土地所苞。明非此矣。澧水又東。房陽川水

水經注

卷三十一

二

注之。水出南陽雒縣西。房陽川北流。注于澧。澧水

之北。有積石焉。世謂女靈山。其山平地介立。不連

岡。以成高峻。石孤峙。不託勢。以自遠。四面壁絕。極

能靈舉。遠望亭亭。狀若單楹。插霄矣。北面有如頽

落。劣得道步。當作好事者。時有扳陟耳。澧水又與

波水合。水出霍陽西川大嶺東谷。俗謂之歇馬嶺

川。曰廣陽川。非也。卽應劭所謂孤山波水所出也。

馬融廣成頌曰。浸以波澁。其水又南。逕蠻城下。蓋

蠻別邑也。俗謂之麻城。井也。波水又南。分三川於

淮南子云魯陽
公與韓構難戰
酣日暮援戈而
麾之日為之返
三舍

白亭東而俱南入澠水澠水自下兼波水之通稱
也是故闕駟有東北至定陵入汝之文澠水又東
逕魯陽縣故城南城即劉累之故邑也有魯縣居
其陽故因名焉王莽之魯山也昔在於楚文子守
之與韓構難戰有返景之誠內有南陽都鄉正衛
為碑澠水右合魯陽關水水出魯陽關外分頭山
橫嶺下夾谷東北出入澠澠水又東北合牛蘭水
水發縣北牛蘭山東南逕魯陽城東水側有漢陽
侯焦立碑牛蘭水又東南與栢樹谿水合水出魯

水經注

卷三十一

三

山北峽谷中東南流逕魯山西而南合牛蘭水又
東南逕魯山南闕駟曰魯陽縣今其地魯山是也
水南注于澠澠水東逕應城南故應鄉也應侯之
國詩所謂應侯順德者也彭水注之俗謂之小澠
水水出魯陽縣南彭山蟻塢東麓北流逕彭山西
下有彭山廟廟前有彭山碑漢桓帝元嘉三年杜
仲長立彭水逕其西北漢安邑長尹儉墓東塚西
有石廟廟前有兩石闕闕東有碑闕南有二獅子
相對南有石碣二枚石柱西南有兩石羊中平四

石廟
石且
石且

年立彭水又東北流直應城南而入澧澧水又左

合橋水水出魯陽縣北特東宋本作北特山東南逕應山

北又南逕應城西地理志曰故父城縣之應鄉也

周武王封其弟為侯國應劭曰韓詩外傳稱周成

王與弟戲以桐葉為圭曰吾以封汝周公曰天子

無戲言王乃應時而封故曰應侯鄉亦曰應鄉按

呂氏春秋云成王以桐葉為圭封叔虞非應侯也

汲郡古文殷時已有應國非成王矣戰國范雎所

封邑也謂之應水澧水又東逕犇縣故城北左傳

水經注

卷三十一

昭公元年冬楚公子圍使伯州犁城犇是也出于

魚齒山下春秋襄公十八年楚伐鄭次于魚陵涉

於魚齒之下甚雨楚師多凍徒役幾盡晉人聞有

楚師師曠曰不害吾驟歌北風又歌南風南風不

競多死聲楚必無功矣所涉即澧水也水南有漢

中常侍長樂太僕吉侯苞冢冢前有碑墓西枕岡

城開四門門有兩石獸墳傾墓毀碑獸淪移人有

掘出一獸猶全不破甚高壯頭去地減一丈許作

制甚工左膊上刻作辟邪字門表壘上起石橋歷

諱云誣特嚴
皇覺坡翁遊
歷心記爲鑿

時不毀其碑云六帝四后。是諂是誣。蓋任白安。
沒于桓后。于時閹閹擅權。五侯暴世。割剝公私。以
事生死。夫封者表有德。碑者頌有功。自非此徒。何
用許爲。石至千春。不若速朽。苞墓萬古。祇彰誚辱。
嗚呼愚亦甚矣。潢水又東。犍水注之。俗謂之秋水。
非也。水有二源。東源出其縣西南踐犢山東崖下。
水方五十許步。不測其深。東北流。逕犍縣南。又東。
北屈逕其縣東。而北合西流水。西源出縣西南頗。
山北阜下。東北逕犍城西。又屈逕其縣北。東合二

水經注

卷三十一

五

水亂流北注于潢。漢高祖入關。破南陽太守呂齮。
於犍東。卽於是地。潢水之陰也。潢水又東南逕昆
陽縣故城北。昔漢光武與王尋王邑戰於昆陽。敗
之。走者相騰踐。奔殪百餘里。會大雨如注。潢水盛
溢。虎豹皆股戰。士卒爭赴溺死者以萬數。水爲不
流。王邑嚴尤陳茂輕騎皆乘尸而度矣。

東北過潁川定陵縣西北。又東過鄆縣南。東入于汝。
潢水東逕西不羹亭南。亭北背汝水於定陵城北。
東入汝。鄆縣在南不得過。

清水出弘農盧氏縣攻離山東南過南陽西鄂縣西北又東過宛縣南

清水導源東流逕鄠縣故城北郭仲產曰鄠縣故城南在攻離山東鄠舊縣也三倉曰樊鄧鄠鄠有二城北鄠也漢祖入關下浙鄠卽此縣也清水又東南流雒縣之雒衡山東逕百章郭北又東魯陽關水注之水出魯陽縣南分水嶺南水自嶺南流北水從嶺北注故世俗謂此嶺爲分頭也其水南流逕魯陽關左右連山插漢秀木干雲是以張景

水經注

卷三十一

清水

六

陽詩云朝登魯陽關峽路峭且深亦司馬芝與母

遇賊處也魏志司馬芝字子華河內滎人也少爲書生避亂荆州於魯陽山遇賊同行者

皆棄老弱走芝獨坐守老母賊至以刃臨芝芝叩頭曰母老唯在諸君賊曰此孝子也殺之不義遂得免官至

大司農關水歷雒衡山西南逕皇后城西建武

元年世祖遣侍中傅俊持節迎光烈皇后於清陽俊發兵三百餘人宿衛皇后道路歸京師蓋稅舍所在故城得其名矣山有石室甚飾潔相傳名皇后浴室又所幸也關水又西南逕雒縣故城南昔秦文公之世有陽伯者逢二童曰昏曰彼兩童二

前漢地理志已有
雉縣治非光武所

雉也。得雌者霸，雄者王。二童翻飛，化為雙雉。光武

獲雉於此山，以為中興之祥，故置縣以名焉。按列異傳

云陳倉人得異物，獻之，道遇二童子云：此名為雉，在地

下，食死人腦，媚乃言彼二童子，各陳寶得雄者王，得雌者霸，乃逐童子，化為雉。秦穆公大獵，果獲其雌，搜神記所引正同，但云其雄者飛至南陽。

秦表其地為雉縣，後光武起於南陽，此注旨曰：以下似有缺文。關水又屈而東南

流，注于清，清水又東南流，逕博望縣西北，故城東

郭仲產曰：郡東北一百二十里。漢武帝置校尉張

騫隨大將軍衛青西征，為軍前導，相望水草，得以

不乏。元光六年，封騫為侯國。地理志曰：南陽有望

水經注

卷三十一

縣王莽改之曰宜樂也。清水又東南，逕西鄂故城

東。應劭曰：江夏有鄂，故加西也。昔劉表之攻杜子

緒於西鄂也。功曹伯孝長聞戰鼓之音，懼而閉戶，

蒙被自覆，漸登城而觀，言勇可習也。清水又南，泝

水注之，水出弘農郡盧氏縣之熊耳山，東南逕酈

縣北，東南逕房陽城北。漢哀帝四年，封南陽太守

孫寵為侯國，俗謂之房陽川。又逕西鄂縣南，水北

有張平子墓，墓之東側墳有平子碑，文字悉是古

文，篆額是崔瑗之辭，盛弘之郭仲產並云：夏侯

未云時碑鐫
額用篆猶存
漢制但文字
悉是古文即
不可復矣

若爲郡。薄其文。復刊碑陰爲銘。然碑陰二銘。乃是
崔子玉及陳翁耳。而非孝若。悉是隸字。二晉並存。
當無毀壞。又言墓次有二碑。今唯見一碑。或是余
夏遷驛途。疲而莫究矣。水南道側有二石樓。相去
六七丈。雙峙齊竦。高可丈七八。柱圓圍三丈有餘。
石質青綠。光可以鑒。其上鑿櫺承棋。雕簷四柱。窮
巧綺刻。妙絕人工。題言蜀郡太守姓王。字子雅。南
陽西鄂人。有三女。無男。而家累千金。父沒當塋。女
自相謂曰。先君生我姊妹。無男兄弟。今當安神玄。

水經注

卷三十一

八

水經注

宅。翳靈后土。真真絕後。何以彰吾君之德。各出錢
五百萬。一女築墓。二女建樓。以表孝思。銘云。墓樓
東平林。不近墳墓。而不能測其處所矣。洹水又東
南流。注于清水。世謂之肄。洹聲相近。非也。地理志
曰。熊耳之山。出洹水。其一焉。東南至魯陽人
洹是也。清水又南。逕預山。東山上有神廟。俗名之
爲獨山也。山南有魏車騎將軍黃權夫妻二冢。地
道潛通。其冢前有四碑。其二魏明帝立。二是其子
及臣吏所樹者也。清水又西南。逕史定伯碑南。又

西為瓜里津水上有三梁謂之瓜里渡自宛道途東出赭陽而道方城建武三年世祖自赭陽西入

破虜將軍劉奉

後漢書作鄧奉

怨漢掠新野拒瓜里上親

搏戰降之夕陽下遂斬奉郡國志所謂宛有瓜里

野津夕陽聚者也阻橋即桓温故壘處温以升平

五年與范汪眾軍北討列營清水又西南逕晉蜀郡

太守鄧義山墓南又南逕宛城東其地故非伯之

國楚文王滅申以為縣也秦昭襄王使白起為將

伐楚取郢即以此地為南陽郡改縣曰宛王莽更名

水經注

卷三十一

九

郡曰前隊縣曰南陽劉善曰在中國之南而居陽

地故以為名大城西南隅即古宛城也荆州刺史

治故亦謂之荆州城今南陽郡治大城其東城城

內有舊殿基周二百步高八尺陛階皆砌以青石

大城西北隅有基周一百步高五丈蓋更始所起

也地西三里有古臺高二丈餘文帝黃初中南巡

行所築也清水又屈而逕其縣南故南都賦所言

清水蕩其胸者也王莽地皇二年朱鮪等共於城

南會諸將設壇燔燎立聖公為天子於斯水上世

受曰者書穆帝
本紀桓温遺諸將
符河此在永和五
年西化汪傳云
桓温北伐令汪率
文武出母國以失
期免為庶人本紀
汪之度則在升
三年與此汪五

語曰張繡反公與戰敗子昂不能騎進馬於公而
 昂遇害魏書曰公征至宛臨涇水祠亡將士歔歔
 流涕衆皆哀慟涇水又南梅谿水注之水出縣北
 紫山南逕百里奚故宅奚宛人也於秦爲賢大夫
 所謂迷虞智秦者也紫谿又逕宛西呂城東史記
 曰呂尚先祖爲四嶽佐禹治水有功虞夏之際受
 封於呂故因氏爲呂尚也徐廣史記音義曰呂在
 宛縣高后四年封昆弟子呂恕爲呂城侯疑卽此
 也按史記呂后紀四年封呂愆爲呂城侯又按新蔡縣有大呂小呂

水經注

卷三十一

十

亭而未知所是也梅谿又南逕杜衍縣東故城在
 西按漢高帝七年封郎中王翳爲侯國王莽更之
 曰閏衍矣土地墊下湍谿是注古人於安衆場之
 今遊水是瀦謂之安衆港世祖建武三年上自宛
 遣潁陽侯祭遵西擊鄧奉弟衆破之於杜衍進兵
 涅陽者也梅谿又南謂之石橋水又謂之汝谿之
 流而左注涇水涇水之南又有南就聚郡國志所
 謂南陽宛縣有南就聚者也郭仲產言宛城南三
 十里有一城甚卑小相承名三公城漢時鄧禹等

歸鄉。餞離處也。盛弘之著荊州記以爲三公置。余按清水左右舊有二澁。所謂南澁北澁者。水側之澁聚在清陽之東北。考古推地則近矣。城側有范蠡祠。蠡宛人祠。卽故宅也。後漢末有范曾字子閔。爲大將軍司馬討黃巾賊。至此祠爲蠡立碑。文勒可尋。夏侯湛之爲南陽。又爲立廟焉。城東有大將軍何進故宅。城西有孔嵩舊居。嵩字仲山。宛人。與山陽范式。有斷金契。貧無養親。賃爲阿街卒。遣迎式。式下車把臂曰。子懷道卒伍。不亦痛乎。嵩曰。侯

水經注

卷三十一

十一

嬴賤役。晨門卑下之位。古人所不耻。何痛之有。故其讚曰。仲山通達。卷舒無方。屈身廝役。挺秀含芳。又屈南過清陽縣東。

清水又南入縣。逕小長安。司馬彪郡國志曰。縣有小長安。聚謝沈漢書稱光武攻清陽不下。引兵欲攻宛。至小長安。與甄阜戰。敗於此。清水又西南逕其縣故城南。桓帝延熹七年。封鄧康爲侯國。縣故南陽典農治。後以爲清陽郡。省郡復縣。避晉簡文諱。更名云陽焉。清水又逕安樂郡北。漢桓帝建和

六年封司徒胡廣爲清陽縣安樂鄉侯今於其國立樂宅戍郭仲產襄陽記曰南陽城南九十里有晉尚書令樂廣故宅廣字彥輔也善清言見重當時成都王廣女婿長沙王猜之廣曰寧以一女而易五男猶疑之終以憂殞其故居今置戍因以爲名

又南過新野縣西

此下原有廿二字重出今刪去

清水又南入新野縣枝津分派東南出苞隰衍注左積爲陂東西九里南北一十五里陂水所溉咸

水經注

八卷三十一

十三

爲良沃清水又南與湍水會又南逕新野縣故城西世祖之敗小長安也姊元遇害上卽位感悼姊

沒追謚元爲新野節義長公主卽此邑也晉咸寧二年封大司馬扶風武王少子歆爲新野郡公割

南陽伍屬

屬下當脫一字

陽蔡陽穰鄧山都封爲王

按晉書新

野莊王傳云歆字弘舒太康中封新野縣公邑千八百戶惠帝本紀云永寧元年三月齊王冏起兵討趙王倫而新野公歆皆舉兵應之四月倫伏誅明年爲太安元年十二月成都王穎新野王歆同會洛陽請廢冏還第知歆進封爲新野王在趙王倫伏誅之後也此注斷脫聊復備記之

文舒

更立中隔西卽郡治東則民居城西傍清水又東

天司禮未詳脫誤多

與朝水合。水出西北赤石山而東南逕冠軍縣界。地名沙渠。又東南逕穰縣故城南。楚別邑也。秦拔鄢郢，卽以爲縣。秦昭王封相魏冉爲侯邑。王莽更名曰豐穰也。魏荊州刺史治朝水。又東南分爲二水。一水枝分東北爲樊氏陂。陂東西十里，南北五里。俗謂之凡亭陂。陂東有樊氏故宅。樊氏旣滅，庾氏取其陂，故嘖曰陂。汪汪。下田良。樊子失業，庾公昌。昔在晉世，杜預繼信臣之業，復六門之陂。遏六門之水，下結二十九陂。諸陂散流，咸入朝水。事見

水經注

卷三十一

六門碑。六門旣陂。諸陂遂斷。朝水又東逕朝陽縣。

結字動

故城北而東南注于清水。又東南與棘水合。水上

承赭水。赭水出棘陽縣北。數源並發南流。逕小赭

清言作赭

鄉。謂之小赭水。世祖建武二年，成安侯臧宮從上

擊赭也。東源方七八步，騰湧若沸。故世名之騰沸

水。南流逕于赭鄉。謂之赭水。建武二年，祭遵引兵

南擊董訢於赭鄉。以水氏縣故有赭陽之名也。地

理志曰：縣有赭水。王莽曰陽城也。漢哀帝改爲順

陽。建武二年，更封安陽侯朱祐爲赭陽侯。赭水縣

都字不該史記夏
本紀大野既都孔
安國曰水所停曰
部

竭以為陂東西夾岡水相去五六里古今斷岡兩

舌都水潭漲

孫云古今斷岡兩舌當作左右斷岡

而出者謂之舌蓋削去陂陀之土

接水連岡築竭潴水以成潭漲也南北一十餘里

水決南瀆下注為灣灣分為二西為赭東為榮源

赭水參差流結兩湖故有東陂西陂之名二陂所

導俱水枝分東南至會口入泚是以地理志云泚

水赭水皆言入蔡互受通稱故也二湖流注合為

黃水謂所受焉迺棘陽縣之黃淳聚又謂之黃淳

水者也故謝承漢書甄阜等敗光武于小長安東

乘勝南渡黃淳水前營皆阻兩川謂臨泚水絕後

橋示無還心漢兵擊之二軍潰溺死黃淳水者二

萬人又南迺棘陽縣故城西應劭曰縣在棘之陽

是知斯水為棘水也漢高帝七年封莊得臣為侯

國

孫云按史記年表棘陽莊侯杜得臣

後漢兵起擊唐子鄉

一作鄉殺

湖陽尉進拔棘陽鄧晨將賓客會光武于此縣也

棘水又南迺新野縣歷黃郵聚世祖建武三年傳

俊岑彭進擊秦豐先拔黃郵者也謂之黃郵水大

司馬吳漢破秦豐于斯水之上其聚落悉為蠻居

猶名之爲黃郵蠻棘水自新野縣東而南流入於
清水謂之爲力口也棘力聲相近當爲棘口也又
是方俗之音故字從讀變若世以棘子木爲力子
之木也舊本誤以灑水東北流枝瀆右
出殺入此注今據宋本改正清水又東
南逕士林東戍名也戍有郎閣水左有豫章大陂
下灌良疇三千許頃也

西過鄧縣東南入于沔

縣故鄧侯吾離之國也楚文王滅之秦以爲縣清
水右合濁水俗謂之弱溝水上承白水於朝陽縣

水經注

卷三十一

五

東南流逕鄧縣故城南習鑿齒襄陽記曰楚王至
鄧之濁水去襄陽二十里卽此水也濁水又東逕
鄧塞者卽鄧城東南小山也先後名之爲鄧塞昔
孫文臺破黃祖於其下濁水東流注于涓涓水又
南逕鄧塞東又逕鄧城東古鄧子國也蓋鄧之南
鄙也昔巴子請楚與鄧爲好鄧人奪其幣卽是邑
也司馬彪以爲鄧之鄧聚矣

灑水出灑強縣南澤中東入潁

灑水出潁川陽城縣少室山東流注于潁水而亂

流東南逕臨潁縣西北小潁水出焉東逕臨潁縣
故城北潁水又東逕潁陽城北又東逕潁強縣故
城南建武元年世祖封楊化將軍堅鐔爲侯國潁
水東爲陶樞陂余按潁陽城在潁水南然則此城
正應爲潁陰城而有潁陽之名者明在南猶有潁
水故此城以陽爲名矣潁水之南有二瀆其南瀆
東南流行歷臨潁亭西東南入汝今無水也疑卽
潁水之故瀆矣汝水於奇雜城西別東派時人謂
之潁水東北流枝瀆右出世謂之死汝也別汝又

水經注

卷三十一

十六

東北逕召陵城北練溝出焉別汝又東汾溝出焉
別汝又東逕征羌城北水南有汾陂俗音糞汾水
自別汝東注而爲此陂水積征羌城北四五里方
三十里許瀆左合小潁水水上承狼陂南流名曰
鞏水清陵陂水自陂東注之東迴又謂之小潁水
而南流注于大潁水大潁水取稱蓋藉潁汾注而
總受巨宋本作其目矣又東逕西華縣故城南又東逕
汝陽縣故城北東注于潁

濯水出汝南吳房縣西北與山東過其縣北入于汝

譚云天馬來
遼注白羊出
淵水物產神
異始不可曉

縣西北有堂谿城。故房子國。春秋定公五年。吳王
闔閭弟夫概奔楚。封之於堂谿。故曰吳房也。漢高
帝八年。封莊侯楊武為侯國。建武中。世祖封泗水
王歙子燁為堂谿侯。山谿有白羊。淵。淵水舊出山
羊。當作白羊。漢武帝元封二年。白羊出北淵。畜牧者禱
祀之。俗禁拍手。嘗有羊出水。野母驚仆。自此絕焉。
淵水下合濯水。濯水東逕濯陽縣故城。西東流入
瀕水。亂流逕其縣南。世祖建武元年。封吳漢孫且
為侯國。其水又東入于汝水。

水經注

卷三十一

濯水

七

瀕水出漁陰縣東上界山。

山海經謂之視水也。郭景純注。或曰視宜為瀕。出
葦山。許慎云。出中陽山。皆山之殊目也。而東與此
水合。水出漁陰縣旱山。東北流注瀕。瀕水又東北
殺水出西南。大熟之山。東北流入于瀕。瀕水又東
淪水注之。水出宣山。南東流注瀕。水瀕水又東得
奧水口。水西出奧山。東入于瀕水也。

東過吳房縣南。又東過濯陽縣南。

應劭曰。濯水出吳房縣東。入瀕縣之西北。即兩川。

之交會也

又東過上蔡縣南東入汝

濩水出濩陰縣西北扶予山東過其縣南

山海經曰朝歌之山濩水出焉南注東流于滎經書扶

予者其山之異名乎滎水上承赭水東流左與西

遼水合又東東遼水注之俱導北山而南流注于

滎滎水又東北於濩陰縣北左會濩水之道稍西

不出其縣南其故城在山之陽漢光武建武中封

岑彭為侯國漢以為陽山縣魏武與張繡戰于宛

水經注

入卷三十一

觀水 水 六

馬名絕景為流矢所中公傷右臂引還濩陰即是

地也城之東有馬仁陂郭仲產曰陂在泚陽縣五

十里蓋地百頃其所周溉田萬頃隨年變種境無

儉歲陂水三周其隍故瀆自隍西南而會於泚濩

水不得復逕其南也且邑號濩陰故無出南之理

出南則為陽也非直不究又不思矣濩水又東北

溲水注之水出雒衡東山南逕建城東

按漢書地理志南陽

郡雒縣注云衡山澧水所出東至

建當為卷字讀

誤耳郡國志云葉縣有卷城其水又東流入于濩

得書作舞陰

豈云有此妙
地天人無權

豈云筆端有
交理之力

濩水東北逕于東山西西流入濩濩水之左卽黃
城山也水出黃城山東北逕方城郡國志曰葉縣
有方城郭仲產曰苦萊于東之間有小城名方城
東臨谿水尋此城致號之由當因山以表名也苦
萊卽黃城也及于東通爲方城矣世謂之方城山
水東流注濩水故地理志曰南陽葉方城邑西有
黃城山是長沮桀溺耦耕之所有東流水則子路
問津處尸子曰楚狂接輿耕於方城蓋於此也盛
弘之云葉東界有故城始犇縣東至瀨水達

當作逕

水經注

卷三十一

泚陽界南北聯聯數百里

御覽玉海及舊本皆作聯聯數百里吳本改作

聯號爲方城一謂之長城云酈縣有故城一面未

詳里數號爲長城卽此城之西隅其間相去六里

御覽及宋本俱作相去六百里若南北雖無基築皆連山相接而

漢水流其南故屈完答齊桓公云楚國方城以爲

城漢水以爲池郡國志曰葉縣有長城曰方城指

此城也濩水又東北歷舞陽縣故城南漢高祖元

年按年表封樊噲爲侯國也

又東過西平縣北

譚云聯聯佳聯絡便是常

禮三著此二
高尾刀劍之
質妙合水德
不精備山

諱云語如郭

縣故栢國也春秋左傳所謂江黃道栢方睦於齊也漢曰西平其西呂墟卽西陵亭也西陵平夷故

曰西平漢宣帝甘露三年封丞相于定國爲侯國

王莽更之曰新亭晉太康地理志曰縣有龍泉水

可以砥礪刀劍特堅利故有堅白之論矣是以龍

泉之劍爲楚寶也縣出名金古有鐵官

又東過郾縣南

郾縣故城去此遠矣不得過

又東過定潁縣北東入于汝

水經注

八卷三十一

干

漢安帝永初二年分汝南郡之上蔡縣置定潁縣

延光中以陽翟郭鎮之爲尚書令封定潁侯卽此

邑也

潁水出蔡陽縣

潁水出縣東南大洪山山在隋郡之西南竟陵之

東北槃基所跨廣圓一百餘里峰曰縣鉤處平縣

衆阜之中爲諸嶺之秀山下有石門夾鄣層峻巖

高皆數百許仞入石門又得鍾乳穴穴上素崖壁

立非人跡所及穴中多鍾乳凝膏下垂望齊冰雪

雲鄴道元
大洪山似
於武
其
法
以

論

微津細液。滴瀝不斷。幽穴潛遠。行者不極窮深。而

穴內常有風勢。舊本作風勢。吳本改作風熱。火無能以經久。故

也。澗水出于其陰。初流淺狹。遠乃廣厚。可以浮舟

楫。巨川矣。時人以澗水所導。故亦謂之為澗山矣。

澗水東北流。合石水。石水出大洪山。東北流。注于

澗。謂之小澗水。而亂流東北。逕上唐縣故城南。本

蔡陽之上唐鄉。舊唐侯國。春秋定公三年。唐成公

如楚。有兩肅霜馬。子常欲之。弗與。止之三年。唐人

竊馬而獻之。子常歸唐侯。是也。澗水又東。均水注

水經注

卷三十一

之水出洪山。東北流。逕土山。北山上。山上二字疑脫誤。

山又東北流。入于澗水。澗水又屈而東南流。

東南逕隋縣西

縣故隋國矣。春秋左傳所謂漢東之國。隋左傳作隨為

大者也。楚滅之。以為縣。晉武太康中立為郡。有澇

水出縣西北。黃山南。逕瀲西。縣西又東南。瀲水入

焉。瀲水出桐栢山之陽。呂忱曰。水在義陽。瀲水東

南。逕瀲西。縣西又東南。流于澇。澇水又東南。逕隋

縣故城西。春秋魯莊公四年。楚武王伐隋。左傳作令

關初莫敖屈重除道梁澁軍臨於隋謂此水也
水側有斷蛇丘隋侯出而見大蛇中斷因舉而藥
之故謂之斷蛇丘後蛇銜明珠報德世謂之隋侯
珠亦曰靈蛇珠丘南有隋季良左傳大夫池其水
又南與義井水合水出隋城東南井泉嘗湧溢而
津注冬夏不異相承謂之義井下流合澁澁水又
南流注于澗澗水又會于支水水源亦出大洪山
而東流注于澗澗水又逕隋縣南隋城山北而東
南注

水經注

卷三十一

又南過江夏安陸縣西

遼水

當作隨水

出隋郡永陽縣東石龍山西北流南迴

逕永陽縣西歷橫尾山即禹貢之陪尾山也遼水

又西南至安陸縣故城西故鄖城也因岡爲墉峻

不假築洧水又南逕石巖山北昔張昌作亂於其

下籠彩鳳以惑衆晉太安二年鎮南將軍劉弘遣

牙門皮初與張昌戰於清水昌敗追斬於江夏

舊本

作斬於江夏吳本改作斬於江夏按晉書劉弘傳云追斬張昌于下雋山即春秋左傳

定公四年吳敗楚于柏舉從之及于清發蓋澗水

又東南流而右會富水出竟陵郡新市縣東北大陽山水有二源也大富水出山之陽南流而左合小富水水出山之東而南逕三王城東前漢末王匡王鳳王常所屯故謂之三王城城中有故碑文字闕落不可復識其水屈而西南流右合大富水俗謂之大泌水也又西南流逕杜城西按漢志江夏郡有雲杜縣村新市縣治也郡國志以為南新市也中山有新市故此加南分安陸立縣又王匡中興初舉兵於縣號曰新市兵者也富水又東南流於安陸

水經注

入卷三十一

二十三

界左合土山水世謂之章水水出土山南逕隨郡平林縣故城西俗謂之將陂城與新市接界故中興之始兵有新市平林之號又南流右入富水富水又東入于澗澗水又逕新城南永和五年晉大司馬桓溫築澗水又會溫水溫水出竟陵之新陽縣東澤中口徑二丈五尺垠岸重沙端淨可愛靖以察之則淵泉如鏡聞人聲則揚湯奮發無所復見矣其熱可以燂雞洪濶百餘步冷若寒泉東南流注于澗水又右得澧水水出江夏郡之曲陵縣

聲情相
時人無
取一

西北潼山東南流逕其縣南縣治石潼故城三圓而不方東入安陸注于湏水

又東南入于夏

湏水又南分爲二水東通灑水西入于沔謂之湏口也

重陽日刻

